

百尺梧桐閣集

七

百尺梧桐閣集

七

百尺梧桐閣集卷十三目錄

古今體詩

題長真觀察桐陰小像

爲樹百題顧瑟如畫杜詩冊子二首

題原一畫像

題范汝受小像

埜色

同友人汎舟游平山新堂各賦四首

送臧介子令魯山

定九以顧茂倫雪灘釣空圖索題卽寄茂倫兼

簡趙山子

燕子磯眺望

弘濟寺同叔定家兄訪蒲公二首

秦淮鐙船歌同雪客叔定家兄作

秦淮同尙白大參讀西樵考功年譜感題四絕

句

有序

尙白大參以敬亭綠雪茶見餉簡謝

虎距關訪龔半千半畝園二首

題黃俞邵千頃齋藏書冊目

飲金觀察署齋達旦卽偕馬游蔣山靈谷諸勝

王安節以詩見投惜未得偕往和來韻爲答

牛首

祖堂

贈閔翁

題劉砥澗小像

喜雲漸至

秋日再登燕子磯述懷

子修編修覲省南歸賦贈四首

九日同周伯衡觀察原一子修兩編修穆倩孝

威倪閣公仁辰六叔定舟次兩兄汎舟游平

山用少陵夔州九日詩韻得三首

送原一之京

平山再送原一

晚過興嚴寺

李晝公以秋原聽歌觀獵圖索題走筆爲贈

讀易三首

題郝山漁振衣千仞岡圖

題致靜齋耕牧圖四首

題仔園畫山水冊子

題雪客遺谷戴笠圖

題王東亭三桐圖

梅歎

百尺梧桐閣集卷十三目錄終

百尺梧桐閣集卷十三

揚州 汪 懋麟

古今體詩

自乙卯歲正月
起至十二月止

題長真觀察桐陰小像

白雲不流秋景沉五株桐樹枝森森桐邊巨石若虎
臥旁有偉人方坐吟搦管欲下未卽下看君用意何
其深入洛十年播美政牧揚一載收羣心卽事多欣
少所怒遇物以緩無不任東南羽書如箭急夜遣吏
率朝彈琴六代名賢領江左處置變亂能開衿唯君
雅抱頗相似靜者不受衆物侵前日錦颿渡江水傾
城車騎來驥驥道旁拜揖趾相鎔祝頌不聞絲竹音



雪琴如掌不肖避攀轅勸酒真難禁屢年去郡非一
守馬前之酒誰曾斟人生作郡此爲樂豈必山嶽矜
黃金此時海內印安石如君濟世稱球琳請倚長劍
埽羣盜且勿燕坐耽桐陰

爲樹百題顧瑟如畫杜詩冊子二首

谷靜春常好山溪客自歸離鶯爭竹塢小犬出琴扉
雲氣千巖合泉聲百道飛滕王舊亭子此景尙依稀

又

木葉下蕭蕭高天正未寥幾行晴鴈起數點碧山遙
耐可搖孤艇偏宜趁晚潮同心二三子此外未須招

題原一畫像

高齋宋歷林唐幽軒窗不使纖塵畱芭蕉葉大斑竹
長主人馮檻方科頭塵尾在手意閒適漁童洗硯臨
清流句中但覺無一事唯有萬卷相冥按前年與君
住京國見君延攬窮九州一士不至食不下此意竟
與原嘗侔布衣窮交日滿坐脫衣供饌能不憂酒閒
往往僂尺牘百函應對無停休自君南歸少求應余
亦布帽尋舊丘君來訪我曲江畔紛紛落木當深秋
此時軍鼓震江漢絳灌大笑書生謀異才袞袞已閒
出如余自合偕浮鷗君家伯仲比伊呂翊贊宜入銅
龍游試向金門展奇抱天河倒挽清戈矛山房樂事
且休矣爲君飽秣雙鸞驕

題范汝受小像

恥與陶朱作後身。豈同張祿巧歸秦。
短衣獨把閒書卷。笑看山中射虎人。

埜色

埜色殘春外。檣風逆浪前。近仁農事早。
下閘估船先。白鳥飛漁艇。黃鸝下麥田。
所嗟兵革裏。飽食望豐年。

同友人汎舟游平山新堂各賦四首

三尺新湖水。雙簾舊酒船。萼殘初夏日。
梅熟乍晴天。繫艇長橋下。亭魚小店前。
忽然聞越調。歷歷四條弦。

又

關河連歲別風雨。故交違文酒。歡重會園池。
景半非。

晚蠡迎槩立埜老認人歸浪說游京洛多慙晉陸機

又

堂成羣望愜勝賞衆歡同畫檻雲邊出松門寺外通
隄長宐雜樹臺敞正晴空五百餘年後依稀六一風

又

兵戈紛聚散會面一春難痛飲原非易斜陽轉耐看
卽今嬰水畔此別隔雲端莫便回橈去鄰園有藥闌

時子靜
將北發

送臧介子令魯山

連朝醉臥頭嬾梳一聞剝啄心煩如小園菖蒲長過
屋竹筍新出堪爲蔬忽聞門外繫大馬故人天末何

來與握手大笑莽脫帽卽炊白飯亨江魚自言初得
魯陽邑還過江上迎版輿縣小地僻風俗樸賦稅不
過三千餘余往勸農竝課士耕田識字通詩書游惰
之民罰不赦稂莠害稼行先除縣居有暇卽誦讀呼
奴種菜親耰鋤以此作令庶無臯楊震之戒安用諸
余聞子言三太息世人半以官爲漁元公當日令此
邑聯袂自歌於爲於任滿只攜一縑去清風習習吹
柴車用子之言行子志京洛自此騰令譽佗時訪子
躡嵩嶽爲我向導乘青驢

定九以顧茂倫雪灘釣空圖索題卽寄茂倫兼

簡趙山子

少文一別春筭殘短童忽來持縈紉細書索我賦長
句吳江顧子圖雪灘我思茂倫十餘載扁舟欲渡煙
江寒去年寄我鳴盛集小言謬附風騷壇邇來論詩
多所怪聱牙頗愛蘇與韓東南輒熟習金粉救敝竊
欲回狂瀾敢持此說告知己庶幾與俗殊鹹酸顧子
負才余所畏收拾衆美皆殊觀漬墨正染翡翠筆弄
船何有珊瑚竿君家顧雍領重望中郎異書窮研鑽
劭榮博洽復朗悟後賢繼起真龍鸞煙波莫漫狎漁
釣鴻鵠方欲舒羽翰東吳趙子別余久與君氣味同
芝蘭松陵唱和儼皮陸江湖一櫂隨風湍待我荷笠
走相問買魚滬瀆相盤桓

燕子磯眺望

一櫂截江過孤亭當面來落颿尋細路入寺得高臺
潮打荆門轉山連楚岫開南征幾幾急臨眺首重回
弘濟寺同叔定家兄訪蒲公二首

夕陽弘濟寺不到九年多岸柳行初密沙田水自波
山溪殘雨在江靜一颿過正愛羣峰好鐘聲送晚何
又

信步到山閣廊空僧見稀道人方晚食驚客乍披衣
款款烹茶坐恩恩解帶歸宗雷存後約待我啓松扉
秦淮鐙船歌同雪客叔定家兄作

秦淮五月水氣薄榴萼乍紅柳萼落新荷半舒菡萏

高對面人家卷簾幕晚來列苴何謹闐鼓吹中流一
時作火龍一道鐙船來衆響啁嘈判清濁一人撾鼓
揚雙槌宮聲坎坎兩虎搏一人按拍秉樂句裂帛時
聞墜秋穉一人小擊雲鑼清髮髯湘娥曳珠珞橫笛
短簫兼玉笙蘆管嗚嗚似南籥兩旁列坐八九人急
羽繡商不相若或澀如調繁女弦或溜如轉早春鶻
或緩如咽松下泉或激如挑戰場稍有時回颿作數
弄月白沙明叫饑鶴六船盤旋繫一纜萬點琉璃光
灼灼牛渚燃犀羣怪驚昆明習戰老魚躍衆人互奏
時一呼如聽宮中上元樂

大內上元夜奏樂每
一闕樂人呼贊爲節吁嗟

此聲何自來萬曆年中逞歡謔中山開平盛甲第富

賢熏天陵衛霍謝公巷口開畫樓仁令宅旁起朱閣
傳聞燕客端陽前妙舞清歌進金鑿青谿之南桃葉
東苑裏名娼好梳掠一笑真欲三年畱倒心回腸愛
眉角珠玉如泥買歌笑酒肉成山委谿壑畱傳直到
南渡時萬事荒淫付桮勺作賦尚畱才子名盤游苦
恨宰臣惡此時鐙船知最奇此時兵戈已交錯天心
殺運不可回三十年來莽蕭索余年童穉不及逢白
頭老人說如昨今年來游悅寢寐熒火暗天渾不覺
紛紛蕩子登酒船岸岸河房動芳酌此地有湖名莫
愁我欲言愁恐驚愕世人忽忽無遠憂悲歌拔劍地
空斫噬我旅人行且歸醉眼迷離石城腳

秦淮同尙白大參讀西樵考功年譜感題四絕

句
有序

曩在都下與尙白大參別忽四年矣乙卯五月相遇秦淮水閣懷人感舊因出阮亭先生手編西樵考功年譜竝來書見示欲爲考功表墓故攜書行笥不忘也鐙下展讀感琅邪友于哀切與尙白公生死交情俱可涕也

薊門相別白門逢手把琅邪扎一封說著考功先淚落作碑魂繞墓門松

秦淮歌散夜將分柳外鐙昏水上雲年譜一編纔讀罷已教腸斷舊司勳